

Reykjavík 2. mars 1986

Kæru Kvennaframboðs- og Kvennalistakonur!

A fundi Kvennalistans 26. febrúar var samþykkt tillaga kosninganefndar um hvornig hagað skuli uppstillingu á lista fyrir borgarstjórnarkosningarnar í vor.

Öllum Kvennaframboðs- og Kvennalistakönnum er boðið að hafa áhrif á framboðslistann með því að tilnefna 5 - 10 konur á listann. Nöfnum þarf að skila fyrir 8. mars. Uppstillingarnefnd fær þessi nöfn til að mæta úr og byr til framboðslista með nöfnum kvenna sem allar hafa samþykkt að taka sæti einhvers staðar á listanum en þó án skuldbindingar hvað varðar endanlega niðurröðun listans.

Þann 15. mars frá kl. 13 - 18 og 16. mars frá kl. 13 - 16 gefst svo öllum félagskonum kostur á að raða konum af þessum lista niður í 10 efstu sætin. Sú niðurröðun er ekki bindandi fyrir uppstillingarnefnd en tvímælalaust til viðmiðunar. Niðurstaða uppstillingarnefndar verður svo lögð fyrir félagsfund til endanlegrar samþykktar.

Tilnefningum á framboðslista má skila eða senda á Hótel Vík. Einnig er hægt að koma tilnefningum á framfæri á Hótel Vík í síma 13725 milli kl. 14 og 18. og á Þriðjudags-, miðvikudags- og fimmtudagskvöld milli kl. 20 og 22 í síma 32344 hjá Kristínu Arnadóttur. ATHUGIÐ FYRIR 8. MARS

Mjög mikilvægt er að grasrótin láti nú til sín taka og sem flestar konur komi með tilnefningar og taki þátt í uppstillingu listans.

Uppstillingarnefnd

FRA STEFNUSKRARNEFND

Stefnuskrárfundur 15. mars kl. 13 - 18 á Hótel Vík. Þangað til verður unnið í hópum að undirbúningi stefnuskrár. Hafið samband við Möllu í síma 12154, Kristínu Aetgeirs. í síma 23687 og Margréti Jóns. í síma 73690.

ALLAR HUGMYNDIR UM ADGERDIR Í KOSNINGABARATTUNNI VEL ÞEGNAR.